

Lyrics Sabbat-Song
«Still wärde und stuune»
(Es Lied für der Sabbat)

Lobet Gott,
als Schöpfer vo der ganze Wält,
als dä wo Ruum zum Läbe schenkt
und sich üse Versorger nennt.

Ehret ihn,
indäm mir Sorg zur Schöpfig hei,
enand mit sine Ouge gseh
und teile was är üs hät ghä

Löt üs gmeinsam Gottes Güeti fiire,
still wärde und stuune über sini Fründlichkeit,
mir wei gmeinsam sini Nechi sueche
und üs dra erinnre, was mir für ne Hoffnig hei.

Lobet Gott,
als Retter vo der ganze Wält.
Wo üs vo üsne Zwäng befreit,
am Schwache sis Erbarme zeigt.
Ehret ihn,
im wüsse, dass nid d'Leischtig zellt,
im Isatz für meh Grächtigkeit,
im Handle us Barmhärzigkeit.